


128501

re. & Corp
in, cum
Eua
In
om.
com.
com.



~~Dec 22 1800~~
~~1800~~
~~1800~~

10 / 150 / 150

50
 50

Eusynanthus
 und nicht fort-
 gesetzt

C. XVII. 23



INAUGURATIO
SECUNDA, 9

Sceptris Rectoralibus,

Coronam Doctorem

ADJUNGENS;

Magnifico, Perillustri & Admodum Reverendo Domino;

D. M. GABRIELI
PROFECKI,

S. Th. Licentiato & Professore, Collegæ Majori, Ecclesi-
arum; Cathedralis Cracov: Fectorum Salvatoris Domini, & B. V. M.
Concionatori, Collegiatarum; S. FLORIANI Clepardix ad Cracoviã Cu-
stodi, Neosandecensis, Cancellario, Parochialium; in Zebrzydowie
Præposito, in Michałow Curato, Academicæ Colonix in Pinczow
Myłzkovianæ, & Cõtubernij Philosophorũ Provisori, S. R. M.
Secretario, Studij Almæ Vniversitatis Cracoviensis

Generali ac Vigilantissimo

R E C T O R I

Dum in Alma Universitate Cracoviensi,

Perillustri & Reverendissimo Domino;

D. M. BASILIO
PLASZCZEWSKI,

S. Th. Doctore & Professore, Collegij Majoris Seniore Patre, Ecclesiarũ;
Cathedralis Cracov: Canonico, Collegiata; SS. Omniũ Præposito, Paro-
chialis; in Łętkowice Curato, Ordinario Librorũ, per Dioecesim Crac:
Censore, Contubernij Sisiniani Provisore, S. R. M. Secretario;

In Ecclesia Collegiata Sanctæ ANNÆ,

SACRÆ THEOLOGIÆ DOCTOR,

ritu Solenni renuntiaretur,

I N S T A U R A T A,

M. STANISLAO MARKIEWICZ,

Philosophiæ Doctore, Collega Majore, Regio Professore, Tyliciano Oratore, Eccle-
siarum; Collegiata S. ANNÆ Crac: Canonico, Parochialis, in Stradow Curato

Panegyrico plausu, officiosè

C E L E B R A T A

Anno Inauguratæ Salutis in terris 1717. Die 30. Septembris;

INAUGURATIO SECUNDA.

Magnorum auguria honorum,

Ex volucris meritorum fama, concepta,
non felicius implentur, quam secunda inauguratione.

Secundæ cogitationes, sæpe primum propositum corrigunt;
& ruminata opera, solent esse svaviora.

Ex actu secundo, noscitur perfectio primi;
quid velit antecedens, illatio monstrat.

Prologus ipse, occupet frontem tragædiæ,
sed Catastrophe, caput & cor, occupabit.

Purpura auroræ, & rubentes Orientis radij,
non usq; serenum portendunt diem,

nisi innubis radiorum Corona, meridiano accedat solio.

Coronata mundi Capita, prædominio Principis astrorum, subsunt;
ex prima luce, & matutina populari aura,

invariatum splendorem, orbi spondere nequeunt.

Augurio sex vulturum, & bonis avibus,
in novis manibus, culminare visus Remus;

Sed mox in sanguine fluctuare coactus,
secunda apparitione, Romulo, secunda auspicia cessit.

A Ducatu Spartanorum, ad totius Græciæ Regnum,
non secundo gradu, processit Pausanias;

quia in primo molimine, ab Aristide deprehensus, & depressus.

Cracides Lechus, diminutusq; dolose currendo Lelcus,

ad mitram, plausu primo provectus;

mox ponderato ascensu, ad infimam libratus sortem,

& in festiva acclamatione conclamatus.

Ita instabile est, & phasmatum instar perit,

quod ad culmina rerum subito tollitur.

Lux fulguris, non retinet splendorem,

quia perstringit, & tenebras trahit.

Corona solis, repente levatis vaporibus nexa,

pluvia præsagium voluit.

Longiores in imperio dies, Augusti fuere, quam Iulii;
quia hic unico Rubiconis transultu, Capitolium calcavit,
ut fastigium teneret:

ille repetito populi favore delatum, semper renuere visus.

Nempe corona dum festinato venit,

sæpe in circulum vitiosum abit,

Et punctum honoris non retinet.

Præmatura Principum serenitas, tempestati præludit;

citoq; initiati, tristem coronidem Regnis imponunt.

Felicioꝝ Corona, quæ tardè volvitur,
cùm ad fortunæ orbitam non accedit,
in casum non impingit.

Melior est, in vertice expectatæ Cereris,
quàm in primitiva, veris fronte.

Plus præstat Corymbion botris, quàm sertum floribus.

Primitiæ oblectant, sed usum fraudant.

Frugifer autumnus, expectationem cornucopijs compensat.

Talis Corona, hodie Tuis accedit Scep̄tris,
per quam Regno Sapientiæ, secundo inauguraris,

Magnifice Perillustis & Admodum Reverende

DOMINE RECTOR:

Theologica est,

non potuit, velocitatem ex rotunditate habere,

quia non motum, sed pondus sidereum, præfert;

quod Atlanti onerosum esset,

cùm Cælitum arcana evolvat.

Hinc Tibi citius Scep̄tra venere,

& post hæc, sol Zodiacum simul, & Tibi Coronam definivit.

Nam manus Tuæ, bonorum operum plenæ,

prius Scep̄tris coronandæ erant, quàm doctrina, laurô;

ex destinatione Ejus, Qui operibus intentior,

capit facere & docere.

Tu quidem, Sola magnanimitate Coronatus,

hæc honorum fugâ, ad Romanorum Consulatum, eminentiam accedis,

qui absq; Corona, Fasces gerendo, orbem regebant.

Scep̄tra tamen, Coronam indigitabant:

hæc ad Te Sapia præmisit,
Vt deinde secunda Solennitate, apud Te jucundaretur,
quali hodie, suavissimè fruitur.

GABRIELEM in Te Universitas experitur,
qui prius lilium, pro Sceptro, tulit,
mox coronam Divinitas, Virginitati imposuit.
Hoc Nomen, cum Natalibus, ad Craciæ Urbis gloriam, accepisti;
ut nativam morum culturam, ab Vrbe cultissima, haberes.

In Prætecta, studijs accinctus,
per arenam Palladis, ita cum Apolline currebas,
ut virentem Daphnen, consequeris:
hac laureatus, felici ingenio triumphasti.
Speculum eruditionis factus, à speculatione non deflectebas.

In gradu secundo, terminum diligentiae non figens,
plusultra semper, ad profectum contendebas;
gnarus, hortorum & ingeniorum areolas, sylvescere,
si vel modicum, cultura intermittatur.

Mnemofine otio sterilefcit;
continuo caractere fecundanda, ut Musas pariat.
Si ingenium desit, in libris quærendum.
Nam in paginis, multorum ingenia involuta sunt.
Morpheus Minervæ inimicus est.

Si lampas Solis cadat, Cleantis accendenda est.
Studiorum stadia, infatigabiles Papyrios poscunt.

A teneris, hoc in Te singulare erat,
quod ingenij & morum suavitate, excellens,
sub magisterio virtutis, continuo agebas.

Tendebas velis remisq; , ad cultissimum Latium,
à Latio, ad Sapienitiæ Athenæum, non uno properasti cursu;
ut vel in Stoa, animo discurrens,
in motu quietem haberes..

Dum nullam discendi habes metam, præter Supernam,
per paginarum pelagus, ad Tritonias Minervæ arces adnatâsti.

Sedit in ore Tuo, dulcis gratia:
ipsæ Camænæ floribus elegantiarum, animum resperserunt.
Decus Tui maximum, ingenium; ingenij dulcor, eloquentia.
Effulsit ditissimum bonæ mentis ærarium,
Vigor animi, expeditum consiliorum promptuarium.
prudens

prudens in omni activitate ardor, cunctorum oculos, in se advertit.

Hac dotum commendatione,

par summis Viris, ad regenda fastigia natus,

factus es, erudiendorum, magnus Apollo,

cum sapientiæ Delphos, ubiq; circumferres.

*Alios mundus magnos adoravit, ex sanguine, alios ex ingenio;
nempe in quibus plus ingenii erat, quam sanguinis.*

Non Fabius tantum Maximus, sed etiam Valerius, à literis.

Si Divus Augustus dictus, etiam Divinus Plato:

*non tam Caesaris, quam Livii eloquentia Majestas, & admiratio;
multos, ab extremis mundi finibus, traxerat Romanam.*

Scilicet, alii Marte, alii arte creverunt,

ut in orbis æstimatione, summi fierent.

Certarunt tenera Illustrissimorum ingenia, de Te Præceptore,

ut in tabulis rasis, figuram Reipublicæ ornandæ, pingeres.

Non promptius concha, ad auroræ rorem, panditur,

quàm multorum indoles, ad Te sapienter instillantem,

ut in Coronam Regni, gemmas parturiret.

Secuta suum heliotropia Phæbum,

quæ radius excelsæ mentis traxerat.

Nam ex Te per lenitatem Spiritûs, voluptas discientium erat.

Præter Novodvorsioianas Classes,

in quibus multo sudore, multorum profectui adremigasti,

etiam privato Præceptori adhæsere ingenia,

ut apes flori.

Primi hanc suam felicitatem æstimant

ZAGOROWSCYI, WIECZKOWSCYI,

& Archi-Capituli Gnesnensis, præsens Gloria Utanowskius,

educationi Tuz, sua in Republica gesta, & decora tribuentes.

Mox gratiore favonio, in ROSETVM delatus,

Florum ocellos, & oculis gratissimos Flores, SZEMBECIOS,

STANISLAUM & ANDREAM,

JOANNIS Eniferi Cracoviensis, Filios,

ad Religionis conditanea, efformasti.

Meritòq; Tibi nunc, tota Celsissima Domus hæc,

simulq; Almæ Matri, favorum ostia pandit:

B

Nam

Nam in TERNIONE ROSARUM fragrantissimo,
tres Gratias Universitas experitur.

Ad Lechicam Hippocrenen, dum novi properant Bellerophontes,

Tibi suas submisere habenas.

Nempe Lithvanicus per Iagelonem, Poloniae Regum, Sangvis,

Illustrissimi & Excellentissimi
SAMUEL, ANTONIUS & JOSEPHUS,
DUCES in KLEWAN,

CZARTORYSCYI,

in Te formatorem, ingenia mitris paria referunt.

Horum *Illustrissima & Excellentissima Parens* MAGDALENA,

fecundior Illa Minerva, nostri saeculi,

inter sacras computabat sortes, quod Te Praeceptorem elegisset.

Hic Tu obsequii gloria, splendebas tot annis,

quot Sol signa in anno lustrat.

Dum duorum Mitrae, in Coronam aeternitatis transeunt,

tertia terris relicta, Patriae, & Tibi solatia praestat,

Illustrissimus & Excellentissimus Dominus,

D. JOSEPHUS

DUX in KLEWAN,

CZARTORYSKI,

Magni Ducatus Lithvaniae Vexillifer,

dignus, sub quo & Ducatus, & Regna, militent.

Magnanimo Sonipedi, hic unus Sessor sufficit.

Namque Bucephalus unum Alexandrum gestat,

Unum Cyllarus Castorem.

Votum tamen orbis, superum favore, implebit,

ut tot unus, ferat fortissimos posteros,

quot Equus Trojanus, Heroes.

Tali provectus ephippio

ad gemmeam gratiarum Fasciam pertigisti;

Illustrissimi olim & Reverendissimi Domini

JOANNIS SBASKI,

Episcopi Præmysliensis.

Dulcis ista Charis, ad æstimandas eruditorum dotes, effusissima,

Tc

Te favoris sui complexu, plusquam gentilitio vinculo;
trahebar svaviter, ut Capituli Præmysliensis,
mens & intelligentia esses.

Pulcherrimum est, talem virtutis Lydium, meriti stateram, habere.

Et forsitan in hoc Lydio, magneticam vim secutus fuisses,
nisi amor, & desiderium almæ Matris, præponderasset.

Hæc bene pensato, ingenii Tui pretio,
ad suam Dactyliotheam optans, aptavit.

Duxit per Collegia, argumento solito à Minori ad Majus,
ut maximi honoris consequentiam pararet;

ut Ducem Sceptringerum, ex Te haberet.

Cum prædicari de pluribus, in Præpositura Rymanoviensi debueras,
subiici in Collegiis maluisti, ut Sceptro imperare, disceres.

*Certè Sors Academica, nunc potissimum sine fortunas
illos nonnisi allicit, quos otii tadet;*

aut quibus negotiosum literarum otium, cordi est.

*Ubi per multas aristas, spes in herba,
ad finem ætatis citius venit, quam ad initium frugifera ætatis.*

Sic jam ardentius, pro præmio æterno, laboratur,
cum temporale, temporum calamitas absorbeat.

Talem Spartam nactus, sudorẽ gemmis ornare, & præmiũ non expectare,
sed ex Te addere voluisti.

Continua laborum series, pro alimento virtutis,
sedata speculatio, pro scrutinio sapientiæ,
discursus elevatior, pro exercitio ingenij, erat.

Ardua negotia ultro assumere,

mirã elegantia, & agendi svavitate condire,

innata facilitate, prudentia, & comitate, expedire,

Tibi non minus proprium, quàm palmare.

Mentis serenitas, in suo diaphano, semper radiantis,

nullo gurgite, nullâ liquidi procellâ, fluctuantis,

temperiem, puri imitatur cæli.

Genius aureus, in obsequiis & benefactis ductilis,

pariter immemor, si quid præstiterit, aut perpeffus fuerit:

doli ignarus, injuriarum medelam novit, oblivionem.

Per Cathedras & rostra, memoria felix,

svaviter ex pleno promptuario suo, effundens,

in oculos simul, ac aures invehebat delicias.

Cum hoc proscenio, per omnem Academicam stationem, circumductus,
ubiq; palmas & exempla reliquisti.

Cursum Philosophicum, in Stoa expediens,

aurea Hippomenis poma jecisse visus es.

Purpuram Decanalem, & muricem illum, sudore tinctum,

bis induisti, ut toties tingeres, ad Tui splendorem:

recurrente huc, ipso ostro, ubi ingenium princeps erat.

Ex Academo, si excurrere placuit, meta fuit, Sacrae exedrae:

& hic Divina oracula non usquam suavius sonabant;

vel meta, Magnatum favor, in rem literariam,

in quo conciliando, nec ipse Cyneas felicior erat.

Stat hujus perenne documentum, ingens literarum augmentum,

Colonia Academica Pinczovienfis,

Te meritas Gratias in Musarum chorum, vertente, erecta.

Munificentia Marchionali & Senatoria,

Illustrissimi & Excellentissimi Domini

JOSEPHI VLADISLAI

Marchionis in Mirow, Gonzagæ

MYSZKOWSKI,

Castellani Sandomiriensis.

Hic per Gonzagas Princeps

Polono orbi, Latii Majestatem & sapientiam adjunxit.

Hic Lechiæ Procerum, uti generosissimus, ita eruditissimus,

in docto Phæbo sua parelia pingens,

ab antiquo, inæstimabile literarum pretium, revocavit;

vel in suo genio representando, vel in Marchionatu fundando.

Hic ingeniorum, & Marchionum Phœnix,

ad Tuum votum, gratiosa cinnama collegit,

ut alterum nidum, ad Nidam, Pierides haberent.

Nutritius Musarum JOSEPH,

in sua Marchionali Ægypto Parnassum erexit:

ut strepitu armorum, horrens sæculum, ad docta somnia invitaret

vel rudium inertes somnos, suavi Camænarum voce, rumpere.

Sanè in Nobilitate discente, viva gloriæ suæ rostra,

in eruditorum pectoribus, perennia monumenta, posuit.

Tui vero æstimator Summus, Magnifice Dñe RECTOR

votis suis, pridem Tibi prævit ad Sceptra, & Doctoralem Coronam.

Sed

Sed Tu Academico more

longè maturam in honoribus messem, expectando,
per gradus Theologicæ Professionis, huc maturabas gradum.
Seu mens rectefactorum conscia, mereri non capessere, intendebat.

Hoc erat, Nostrarum Athenarum, ad Comitia Regni generalia,
toties Legatum agere, & in corda Principum agere,
pro Sacro D. JOANNIS CANTII, auctoramento,
pro conservanda, Iurium Nostrorum, immunitate.

Quò Te verteres, nunquam sine multis gratiis Nuntius,
ad Universitatem rediisti.

Mitratus Cellissimarum ROSARUM Ternio,
pupillam Ecclesiæ DEI & Patriæ, mirè recreans,

CELSISSIMUS REGNI PRIMAS, PRIMUSQ; PRINCEPS,
purpureo Te fovet odore, an sinu;

ex quo tot Gratiarum cimelia, in Universitatem nostram,
in sacras Divæ ANNÆ Ædes, effudit.

Eadem de Te æstimatrix mens, CAPITIS CELSISSIMI,
Craciâ Tiarâ & Mitrà eminentis;

cum Tuas dotes, & regimen faustum Vniversitatis,
prospicit per cancellos, Cancellarius faventissimus.

ROSEÆ honorum purpuræ,

Purpureæ vittarum animæ,

Paphensis, Chelmenfisq;, Pedito, ad Summa tendentes,
Te non obvio respectu dignantur.

Aquila Regni JOANNES, Majori Sigillo Major,

ILLUSTRISSIMUS REGNI CANCELLARIUS,

merita Tua, pridem signat, ad pretium.

Tali gratiarum splendore, ne nimium emineas,

intra sacras Divæ ANNÆ Ædes, sæpe Te abscondis,

ut illis cariem detrahas, splendorem inducas.

Templum hoc, Divæ ANNÆ, velut illud Diannæ Ephesinum,

nuper inter Lechiæ miracula numerari cæpit,

mox edaci tempore, Herostrato, summis decoribus invido,

cæpit esse ruinarum admiratio,

& speculum brevi pereuntis pulchritudinis.

Oportunè igitur & ferme ipsius Metttertix voto,

Te Curatorem nactum, qui lautus & elegans,

scabram deformitatem ab eo amoliris.

Vt deinceps sidereum retineat nitorem,
ab injuria cæli, laminis contegis.
Fortunatissimum es, quod in ades cedit,
comportante aurea Principum manu;
etiamq; gemmeum beneficij alveum, volvente,
Gentilitio Sreniawa,

Perillustis & Reverendissimi Domini,
SIMONIS ALEXII TRETER,
Canonici Cathedralis Varmienfis &c,
Viri de Ecclesia DEI meritissimi,
qui Tibi Magnifice Domine RECTOR, quondam intimus,
etiam nunc, sacris beneficijs distantia jungit.
Tali meritorum serie Te provectum,
ultra fastigia exambivêre, Sceptra invasêre.
Virtus quidem & Sapientia, infra Te pridem omnia decora posuit.
Sed Tu modesto sensu infra hæc Te continebas.
Stupore magis, quàm honore, Te rapi vidisti,
cùm Fasces RECTORALES Tuum peterent arbitrium.
Mox tota Vniversitas, insolito plausu, in Tuam Domum infusa,
gratulata est sibi, in Te invenisse caput aptissimum,
morum delictum, animorum illicitum:
ut cordibus tolli, ad honorem, certum esset.
Sceptri Ægyptij olim summitas oculus erat;
nunc Academici, Argus est,
milleno lumine perspicax & providus.
Hoc favonio Res Academica reflorescit.
Nam ex Te, velut oraculo, disci posset,
cum imperio Sapientibus præesse,
jura Majestatis inter Literatos tenere.
Vbi non Iupiter fulminans, nec Néptunus tridente turbans,
sed Phæbus liberali radio omnia fovens,
in suo Parnasso desideratur.
Hæc erat Inauguratio prima,
in qua Operum excellentia, in Magnificentiam abiit.
At nunc magnificentior Inauguratio secunda,

Sapientissimum Caput, supremâ quia Theologicâ præcingit Coronâ,
eo plausu, quē, emedullati Magnatum affectus ampliorē depromere,
parietes templi, capere nequeunt.

Addis Doctoratui ingens jubar, cū eidem Sceptra infers:

& felicissima Tua Annuntiatione Gabriel,
prodis Angelicus Doctor.

Tibi rara felicitate, Sceptris, & Doctorali laurea, hodie triumphanti
Ecclesiæ & Academiæ Hierarchia sonore Jo! canit.

Quo fit, ut calamus meus non exauditus,
ore bifido non ultra, paginæ loquatur.

Hanc adhuc appingit lineam,
ut Tu orbis Academici Angelica intelligentia,
& primus Motor, Prophetico more,
Solem multis lineis in serenum Tui honoris,
& prosperitatis retroducas.




2. *Kenzie Luminous*

[Faint, illegible handwritten text, likely bleed-through from the reverse side of the page.]



[Faint handwritten text at the bottom of the page, possibly a signature or a note.]

I
S.
& a
PE
D
J
Ecc
& B.
JO
anno
C



14
III P
XVI. 23



624044 Bibliotheca 120006
P.P. Camaldulensium in Bielany

Depozyt w Bibliotece Jagiellońskiej



06956

E. XVI. 23



624044 Bibliotheca 120008.
P.P. Camaldulensium in Bielany

Depozyt w Bibliotece Jagiellońskiej



06956

unus dje
com. & prae.

Lect. 1. Noct. de
fer. Due Miss. C.
com. prae. & fer.

M A J U S.

17 Sabb. Monica Vid. &c. Vesp. de sequ. com.
Domin. & prae.

18 Domin. 5. post Pasch. Erii Reg Mart. dupl.
9. lect. & com. Domin. CR. Credo dic. Vesp.
Cap. de sequ. com. prae. item Domin. &
ent. Virg.

J U N I U S.

19 v. Octava SS. Corporis Chr. In Vesp. com.
sequ. & S. Silverij P. M.

20 vj. Aeschili Ep. Mart. dupl. (fuit 12. huius)
9. lect. & com. S. Mart. CR. In Vesp. com.
sequ.

21 Sabb. Ubaldi Ep. Conf. semid. (fuit 16. Maij)
in hym. mat. CA. Vesp. ut in ordinat.

22 Domin. 3. Dedicat. &c. In Vesp. com. Do-
min. & sequ.

23 ij. Extra Crac. Vigilia, Venantij Mart. semid.
(fuit 15. Maij) 9. lect. & com. Vigil. Due Miss.
CR. & Viol. Vesp. de sequ. sine com.

J U L I U S.

6 Domin. 5. in. 5. post Pent. Octava SS. Apost. In
Vesp. com. 1. om. Dom. & sequ.

7 Crac. Vena. Venantij Mart. semid. (fuit 18. Maij)
CR. Vesp. à Cap. à Cap. de sequ. com. prae. Extra

Crac. Mariae Magd. de Paz. Virg. semid. (fuit
25. Maij) CA. CA. Vesp. ut supra.

iv Crac. Mariae Magd. de Paz. Virg. semid.
(fuit 25. Maij) CA. Vesp. à Cap. de sequ.

SS. Mart